


# Injil untuak anak-anak hadiah

## Awal dari pandaritaan manusia



Ditulih oleh: Edward Hughes

Diilustrasikan oleh: Byron Unger; Lazarus  
Alastair Paterson

Diadaptasi oleh: M. Maillot; Tammy S.

Diterjemahkan oleh: christian-translation.com

Diproduksi oleh: Bible for Children  
[www.M1914.org](http://www.M1914.org)

©2021 Bible for Children, Inc.

Lisensi: awak punyo hak manyalin atau mancetak carito iko,  
salamo awak indak manjual nyo.

1

TUHAN MANCIPTAKAN  
SADONYO! Katiko tuhan  
manciptakan manusia partamo, Adam,  
inyo tingga di Taman Eden basamo  
bininyo, Eve. Inyo jo  
sanang hati mantaati  
parintah Tuhan dan manikmati  
kahadiran-Nyo  
sampai suatu  
hari.



2

"Apakah tuhan manyuruah kalian untuak indak mamakan dari sadonyo pohon?" Ular batanyo kapado Eve. "Kami dapek mamakan sadonyo buah kecuali ciek," Inyo manjawek. "Jiko kami mamakan atau mamegang buah tasabuik, Kami akan mati." "Kalian indak akan mati," Ular tasanyum licik.

3

"Kau ka manjadi sarupo Tuhan." Eve mainginkan buah dari batang pohon itu. Inyo mandangkalan kecek ular dan mamakan buah itu.

4

Sasudah eve malangga parintah tuhan inyo mambaok Adam untuak mamakan buah tasabuik. Saharusnyo Adam bakato. "Indak! Den indak ka malangga parintah Tuhan."

5

Katiko adam dan Eve badoso, inyo baduo sadar bahwo inyo talanjang. Manjaik daun ara manjadi celemek, inyo manutuik dirinyo surang dan manyuruak dari Tuhan di samak samak.

6

Di malam nan sajuak Tuhan tibo ka taman. Baliau tau apo nan sudah Adam jo Eve pabuek. Adam manyalahkan Eve. Eve manyalahkan ular. Tuhan bakato, "Ular itu dikutuak. Padusi jadi marasokan sakik katiko anak anak lahia." "Adam, karna kau alah badoso, bumi dikutuak jo tumbuhan baduri. Kau ka bakarajo kareh dan bakaringek untuak mandapekan makanan sahari-hari."

7


Tujan manampekan Adam jo Eve dilua taman nan rancak. Karano inyo badoso, inyo di pisahan dari Tuhan nan mambarikan kahidupan!

8




Tuhan mambuek pedang nan manyalo untuak manjauhan inyo. Tuhan mambuek mantel kulik untuak Adam jo Eve. Darima tuhan maambiak kulik itu?

9



Pado waktunyo, sabuah kaluarga lahia dari Adam jo Eve. Anak partamonyo, Cain, ialah saurang tukang kebun. Anak kaduonyo, Abel ialah saurang pangambalo. Suatu hari Cain maagiah Tuhan sayuran sabagai hadiah. Abel maagiah babarapo domba tabaiknyo sabagai hadiah untuak Tuhan. Tuhan sanang samo pambarian Abel.

10




Tuhan indak sanang samo pambarian Cain. Cain manjadi sangaik bangih. Tapi Tuhan bakato, "Jiko kau malakukan apo nan bana, apokah kau indak akan di tarimo?"

11



Kamarahan cain indak ilang. Suatu katiko, inyo manyerang Abel dilapangan tabuka dan mambunuah nyo!

12



Tuhan bakato pado cain. "Dima dunsanak ang, Abel?" "Awak indak tau," Cain baduto. "Apokah awak panjago untuak dunsanak awak?" Tuhan mahukum Cain samo ma ambiak kamampuannyo untuak batani dan manjadikanyo pangambara.

13



Cain pai dari hadok'an tuhan. Inyo manikah jo anak padusi Adam dan Eve. Inyo manggadangkan sabuah kaluarga. Indak lamo kamudian, cucu jo cicit cain mamamuahi kota nan inyo bangun.

14

Samantaro itu, kaluarga dari Adam jo Eve tumbuah sangaik capek. Katiko itu, urang-urang hiduik labiah lamo dibandingkan samo hari kini.




15

Katiko anak jantan Seth lahir, Eve mangecek, "Tuhan mambarikan awak Seth untuak manggantikan Abel." Seth iolah orang saleh nan hiduik 912 tahun dan punyo banyak anak.



16

Di dunia, manusia manjadi samakin jaek bantuak ciek generasi maikuti generasi sabalum nyo. Akhirnyo, Tuhan mamutuskan untuak manghancuarkan umaik manusia dan. Sadonyo binatang jo buruang. Tuhan manyasa alah manciptakan manusia. Tatapi ado saurang laki mamohon kapado tuhan.



17

Laki iko adolah Noah. Katurunan Seth, Noah iolah urang elok nan indak ado cela. Inyo bajalan basamo tuhan. Inyo juo mangajarkan katigo anaknyo untuak mamatuhi Tuhan.

Kini barencana untuak manggunokan noah jo caro nan sangat aneh dan spesial.



18

Awal dari pandaritaan manusia


Sabuah carito dari firman tuhan, Injil

Didapekan di

Parmuloan 3-6

"Jalan masuk firman-firmanNyo mambarikan cahayo." Mazmur 119:130

19



2



60

20

Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso ialah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko ialah sabuah kebenaran, kecekan iko kapado Tuhan: Ya Yesus, Ambo picayo bahwo Engkau ialah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahingga ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16